

RESOLUCIÓN pola que se convocan probas de avaliación de carácter libre para a obtención da certificación galega de competencias dixitais en ofimática

De acordo co previsto na Orde do 29 de abril de 2014, pola que se habilita e autoriza á Rede de centros para a modernización tecnolóxica de Galicia (rede CeMIT) para a formación e avaliación dos contidos formativos que compoñen o Plan Formativo Ofimático de Galicia, anúnciase a convocatoria de probas presenciais de avaliación de carácter libre para a obtención da certificación galega de competencias dixitais en ofimática (en adiante, CODIX), que se desenvolverá de acordo coas seguintes bases

Primeira. Obxecto

Obter a certificación galega de competencias dixitais en ofimática, regulada polo Decreto 218/2011, do 17 de novembro, trala superación dunha proba presencial na que se acreditarán os coñecementos, capacidades e destrezas definidos no Plan Formativo Ofimático de Galicia.

Poden participar nestas probas todas aquelas persoas maiores de 16 anos, ou que os cumpran antes da finalización do prazo de inscrición, inscritas como usuarios/as da rede CeMIT.

Segunda. Contidos da proba

1. O temario para a avaliación será o descrito no módulo formativo MF0233_2 «Ofimática» (190 horas), asociado á unidade de competencia UC0233_2 Manexar aplicacións ofimáticas na xestión da información e a documentación, do Catálogo Nacional de Cualificacións. As capacidades e criterios de avaliación de dito módulo formativo poden consultarse no Real decreto 558/2011, de 20 de abril, polo que se complementa o Catálogo Nacional de Cualificacións Profesionais, mediante o

establecemento de dúas cualificacións profesionais correspondentes á familia profesional de Administración e Xestión (BOE número 109, de 7 de maio).

2. A rede CeMIT ten publicado na súa plataforma de teleformación (<http://cemit.xunta.gal/ema>) os materiais formativos que forman parte do curso CODIX baixo a modalidade de “Autoformación” como material de apoio para a preparación destas probas:

- Sistema operativo, busca da información: internet/intranet e correo electrónico
- Aplicacións informáticas de tratamento de textos. LibreOffice Writer
- Aplicacións informáticas de follas de cálculo. LibreOffice Calc
- Aplicacións informáticas de bases de datos relacionais. LibreOffice Base
- Aplicacións informáticas para presentacións: gráficas de información. LibreOffice Impress

Terceira. Prazas convocadas, datas, lugar e horario

1. As probas de avaliación presencial que se convocan desenvolveranse de acordo co seguinte calendario:

| LOCALIDADE | PROVINCIA | DÍA | HORA | Nº PRAZAS |
|------------------|------------|--------------------------|-------|-----------|
| Ames | Coruña, A | Mércores, 13 de novembro | 10:00 | 12 |
| Coruña, A -Eiris | Coruña, A | Mércores, 13 de novembro | 10:00 | 16 |
| Ortigueira | Coruña, A | Mércores, 13 de novembro | 10:00 | 8 |
| Vimianzo | Coruña, A | Mércores, 13 de novembro | 10:00 | 10 |
| Burela | Lugo | Mércores, 13 de novembro | 10:00 | 9 |
| Ribadeo | Lugo | Mércores, 13 de novembro | 10:00 | 14 |
| Bande | Ourense | Mércores, 13 de novembro | 10:00 | 9 |
| Campo Lameiro | Pontevedra | Mércores, 13 de novembro | 10:00 | 10 |
| Pontevedra | Pontevedra | Mércores, 13 de novembro | 10:00 | 25 |
| Valga | Pontevedra | Mércores, 13 de novembro | 10:00 | 11 |

| LOCALIDADE | PROVINCIA | DÍA | HORA | Nº PRAZAS |
|---------------|------------|-----------------------|-------|-----------|
| Abegondo | Coruña, A | Xoves, 14 de novembro | 10:00 | 15 |
| Brión | Coruña, A | Xoves, 14 de novembro | 10:00 | 10 |
| Oroso | Coruña, A | Xoves, 14 de novembro | 10:00 | 12 |
| Carballedo | Lugo | Xoves, 14 de novembro | 10:00 | 7 |
| Fonsagrada, A | Lugo | Xoves, 14 de novembro | 10:00 | 15 |
| Lugo | Lugo | Xoves, 14 de novembro | 10:00 | 12 |
| Ourense | Ourense | Xoves, 14 de novembro | 10:00 | 18 |
| Cuntis | Pontevedra | Xoves, 14 de novembro | 10:00 | 8 |
| Lalín | Pontevedra | Xoves, 14 de novembro | 10:00 | 18 |
| Tomiño | Pontevedra | Xoves, 14 de novembro | 10:00 | 8 |
| Vigo | Pontevedra | Xoves, 14 de novembro | 10:00 | 12 |

| LOCALIDADE | PROVINCIA | DÍA | HORA | Nº PRAZAS |
|--------------------|------------|-----------------------|-------|-----------|
| Coruña, A -Eiris | Coruña, A | Xoves, 14 de novembro | 16:00 | 16 |
| Oroso | Coruña, A | Xoves, 14 de novembro | 16:00 | 12 |
| Sada | Coruña, A | Xoves, 14 de novembro | 16:00 | 10 |
| Santa Comba | Coruña, A | Xoves, 14 de novembro | 16:00 | 18 |
| Santiago de Comp. | Coruña, A | Xoves, 14 de novembro | 16:00 | 17 |
| Vicedo, O | Lugo | Xoves, 14 de novembro | 16:00 | 5 |
| Castro Caldelas | Ourense | Xoves, 14 de novembro | 16:00 | 13 |
| Leiro | Ourense | Xoves, 14 de novembro | 16:00 | 6 |
| Xunqueira de Ambia | Ourense | Xoves, 14 de novembro | 16:00 | 9 |
| Cañiza, A | Pontevedra | Xoves, 14 de novembro | 16:00 | 20 |
| Estrada, A | Pontevedra | Xoves, 14 de novembro | 16:00 | 12 |
| Porriño, O | Pontevedra | Xoves, 14 de novembro | 16:00 | 10 |

| LOCALIDADE | PROVINCIA | DÍA | HORA | Nº PRAZAS |
|------------|-----------|------------------------|-------|-----------|
| Ames | Coruña, A | Venres, 15 de novembro | 10:00 | 12 |
| Boiro | Coruña, A | Venres, 15 de novembro | 10:00 | 10 |
| Cerceda | Coruña, A | Venres, 15 de novembro | 10:00 | 8 |
| Fisterra | Coruña, A | Venres, 15 de novembro | 10:00 | 8 |
| Pontedeume | Coruña, A | Venres, 15 de novembro | 10:00 | 11 |
| Barreiros | Lugo | Venres, 15 de novembro | 10:00 | 12 |
| Guitiríz | Lugo | Venres, 15 de novembro | 10:00 | 19 |
| Barco, O | Ourense | Venres, 15 de novembro | 10:00 | 15 |

| | | | | |
|------------|------------|------------------------|-------|----|
| Celanova | Ourense | Venres, 15 de novembro | 10:00 | 11 |
| Marín | Pontevedra | Venres, 15 de novembro | 10:00 | 12 |
| Moaña | Pontevedra | Venres, 15 de novembro | 10:00 | 14 |
| Vilagarcía | Pontevedra | Venres, 15 de novembro | 10:00 | 18 |

2. As probas de avaliación terán lugar nas dependencias das aulas CeMIT de cada localidade indicada no punto anterior, localizacións que se poden consultar na web <http://cemit.xunta.gal/centros>.

Cuarta. Solicitudes de participación

1. As persoas que desexen participar nas probas presenciais deberán inscribirse a través de internet na páxina web de CeMIT <http://cemit.xunta.gal>.

2. Con carácter previo á inscrición é necesario darse de alta como usuario/a da rede CeMIT. Nesta alta previa é imprescindible facilitar unha conta persoal de correo electrónico.

3. O prazo para a inscrición será de sete (7) días naturais a partir do seguinte da publicación desta resolución no Diario Oficial de Galicia. Se o último día do prazo é inhábil, entenderase prorrogado ao primeiro día hábil seguinte.

4. Soamente se poderá presentar unha solicitude de inscrición por persoa participante, sendo excluídas automaticamente aquelas persoas solicitantes que figuren inscritas en mais dunha localidade ou horario.

5. Unha vez que remate o prazo de inscrición e aplicados os criterios de selección que se recollen na base Quinta, publicarase a relación provisional de persoas admitidas en cada unha das localidades na páxina web da rede CeMIT (<http://cemit.xunta.gal>), así como a listaxe de reservas e de excluídos.

Quinta. Criterios de selección

1. As prazas dispoñibles en cada localidade asignaranse por orde alfabética entre as persoas preinscritas en tempo e forma aplicando o resultado dun sorteo público que se realizará unha vez remate o prazo de inscrición, e cuxo lugar e data de realización se publicitará na páxina web de CeMIT (<http://cemit.xunta.gal>)
2. No sorteo extraeranse dúas letras do abecedario que determinarán, correlativamente, a primeira e segunda letra do primeiro apelido. As dúas extraccións levaranse a cabo con todas as letras.
3. A orde de prelación comezará pola persoa solicitante cuxo primeiro apelido comece coas dúas letras extraídas, e, se non houberse ningunha, continuarase pola seguinte persoa solicitante por orde alfabética pasando de «ZZ» a «AA».
4. En caso de coincidencia no primeiro apelido entre varias persoas solicitantes, acudirase como criterio de desempate ao segundo apelido e nome, por orde alfabética. Cando os apelidos vaian precedidos de preposicións, conxuncións ou artigos, estes non serán tidos en conta.
5. Os resultados deste sorteo, así como as listaxes de persoas admitidas provisionalmente e en lista de agarda, serán publicados na web da rede CeMIT para a súa consulta pública (<https://cemit.xunta.gal>)

Sexta. Fase de matriculación

1. As persoas admitidas provisionalmente recibirán un correo electrónico confirmatorio coas instrucións necesarias para proceder a súa matriculación.
2. As persoas con dereito a matriculación deberán abonar no prazo de cinco (5) días hábiles desde a data de publicación das listaxes provisionais a taxa

correspondente aos dereitos de exame, sendo excluídos aqueles aspirantes que non abonen a citada taxa.

3. Unha vez rematado o prazo para que as persoas admitidas provisionalmente aboen os dereitos de exame, e no caso de existiren prazas libres, chamarase da lista de espera ata cubrir todas as vacantes. As persoas admitidas por esta quenda deberán aboar a taxa correspondente aos dereitos de exame no prazo de cinco (5) días hábiles desde a data de dito chamamento .

4. As persoas que resulten seleccionadas poderán comunicar a súa renuncia a participar no desenvolvemento da actividade con polo menos 48 horas de antelación ao comezo desta. A devandita renuncia deberá comunicarse por correo electrónico ao enderezo formacion-cemit@xunta.gal

Sétima. Taxas de exame

1. Segundo o anexo 1 da Lei 6/2003, de 9 de decembro, de taxas, prezos e exaccións reguladoras da comunidade autónoma de Galicia (DOG nº 240, de 11 de decembro), o importe da taxa para inscribirse nas probas de obtención da certificación galega de competencias dixitais en ofimática será de dez euros con trinta e sete céntimos (10,37 euros).

2. Estarán exentas do pagamento da dita taxa as persoas con dereito a matriculación incluídas dentro dos supostos de exencións recollidos no artigo 23.10 da Lei 6/2003 de taxas, prezos e exaccións reguladoras da comunidade autónoma de Galicia.

3. O xustificante de pagamento da taxa correspondente aos dereitos de exame, así como calquera documentación complementaria no caso de exención, deberá presentarse electrónicamente no enderezo formacion-cemit@xunta.gal, utilizando calquera procedemento de copia dixitalizada do documento orixinal. Neste caso, as copias dixitalizadas presentadas garantirán a fidelidade co orixinal baixo a

responsabilidade da persoa solicitante. A Administración poderá requirir a exhibición do documento orixinal para a comprobación da validez da copia electrónica presentada.

Oitava. Desenvolvemento das probas

1. As probas de avaliación presencial para a obtención da certificación galega de competencias dixitais en ofimática teñen o seguinte formato:

Proba de avaliación:

| Preguntas tipo test: número | Tempo dispoñible: minutos | Intentos | Respostas incorrectas: desconto | Superación: porcentaxe de respostas correctas |
|-----------------------------|---------------------------|----------|---------------------------------|---|
| 50 | 90 | Un | Non | 60 % |

2. É obrigatoria a asistencia con puntualidade ás probas de avaliación. Levarase a cabo un único chamamento por orde alfabética.

3. A non comparecencia no lugar e data sinalado para a realización das probas suporá a perda dos dereitos que se poidan derivar desta convocatoria, non sendo tidas en conta causas de forza maior ou calquera outra causa para emendar a non comparecencia

4. As persoas participantes deben presentarse provistas do DNI ou doutro documento fidedigno acreditativo da súa identidade.

5. Para realizar a proba de avaliación é necesario que cada participante lembre as súas credenciais de acceso á rede CeMIT (usuario e contrasinal).

6. Non se autoriza o uso de dispositivos electrónicos nin de ningún material adicional durante o desenvolvemento das probas de avaliación.

7. Na páxina web <http://cemit.xunta.gal> actualizarase e ampliarase a información sobre estas probas de avaliación presencial.

Novena. Facultades da Amtega

1. Resolver aquelas incidencias que se poidan producir no desenvolvemento e xestión das probas de avaliación. Así mesmo, correspóndelle prover canto sexa necesario para a execución e cumprimento desta resolución.
2. Modificar o desenvolvemento e contido das probas, as datas e os lugares, así como resolver todas as contingencias que poidan xurdir.
3. Expedir a certificación galega de competencias dixitais en ofimática a todas aquelas persoas que superen a proba da avaliación, segundo o disposto no Decreto 218/2011, de 17 de novembro, que regula a citada certificación.

Décima. Notificacións

1. Notifícaranse ás persoas que superen as probas de avaliación a súa resolución preferentemente por medios electrónicos, podendo decidir e comunicar en calquera momento que as notificacións sucesivas se practiquen ou deixen de practicar por medios electrónicos.
2. As notificacións electrónicas realizaranse mediante o Sistema de Notificación Electrónica de Galicia - Notifica dispoñible a través da sede electrónica da Xunta de Galicia (<https://sede.xunta.gal>). Este sistema remitirá ás persoas interesadas avisos da posta a disposición das notificacións, mediante un correo electrónico dirixido á conta de correo que conste na solicitude para efectos de notificación.
3. As notificacións por medios electrónicos entenderanse practicadas no momento en que se produza o acceso ao seu contido. Cando a notificación por medios electrónicos sexa de carácter obrigatorio, ou fose expresamente elixida pola

persoa interesada, entenderase rexeitada cando transcorresen dez días naturais desde a posta á disposición da notificación sen que se acceda ao seu contido.

4. Se o envío da notificación electrónica non fose posible por problemas técnicos, a Administración xeral e do sector público autonómico de Galicia practicará a notificación polos medios previstos na normativa reguladora do procedemento administrativo común

Undécima. Datos de carácter persoal

1. Os datos persoais recadados neste procedemento serán tratados na súa condición de responsable pola Xunta de Galicia – Axencia para a Modernización Tecnolóxica de Galicia coa finalidade de levar a cabo a tramitación da presente convocatoria, informar as persoas interesadas sobre o seu desenvolvemento e levar a cabo as tarefas de inscrición e matriculación.

2. O tratamento dos datos baséase no cumprimento dunha misión de interese público ou no exercicio de poderes públicos, conforme ao previsto na presente convocatoria e nas referencias recollidas en <https://www.xunta.gal/informacion-xeral-proteccion-datos>

3. Os datos serán comunicados aos terceiros colaboradores para a emisión do certificado de competencias dixitais en ofimática - CODIX, coa finalidade de informar as persoas interesadas sobre a súa tramitación e xestionar a súa emisión e arquivo.

4. A fin de darlle a publicidade esixida ao procedemento conforme ao disposto na Lei 39/2015, do 1 de outubro, do procedemento administrativo común das administracións públicas, os datos identificativos das persoas interesadas serán publicados conforme ao descrito na presente Resolución a través dos distintos medios de comunicación institucionais dos que dispón a Xunta de Galicia como Diarios Oficiais, páxinas web ou taboleiros de anuncios.

5. As persoas interesadas poderán acceder, rectificar e suprimir os datos, así como exercitar outros dereitos a través da sede electrónica da Xunta de Galicia, presencialmente ou nos lugares e rexistros establecidos na normativa reguladora do procedemento administrativo común, segundo se explicita na información adicional recollida en <https://www.xunta.gal/proteccion-datos-persoais>.

Santiago de Compostela

A Directora da Axencia para a Modernización Tecnolóxica de Galicia

María del Mar Pereira Álvarez